

# АЗБУКА ВЕРЫ



## Канон преподобной великой княгине Анне Кашинской

Молитвослов 2023

# Канон преподобной великой княгине Анне Кашинской



Минея, 12 Июня, Канон преподобней

Глас 3

## Песнь 1

**Ирмос:** Воды дрэвле ма́нием Божественным/ во еди́но со́нмище совокупíвый,/ и разделíвый мо́ре израи́льским лю́дем,/ Сей Бог наш препросла́влен е́сть,/ Тому́ Еди́ному по́йм, я́ко просла́вися.

**Прпев:** Свята́я преподо́бная ма́ти Анно, моли́ Бо́га о на́с.

Да́ждь ми, Го́споди, разу́мение,/ да досто́йно воспою́ и просла́влю благоуго́ждшую Ти преподо́бную ма́терь,/ прэ́жде бы́вшую вели́кую княги́ню Анну,/ и возопию́ Тебе́, Христу́ моему́, я́ко препросла́влен еси́.

**Прпев:** Свята́я преподо́бная ма́ти Анно, моли́ Бо́га о на́с.

О тебе́, блаже́нная ма́ти Анно,/ хо́щю ны́не язы́к подвигну́ти и сло́во простре́ти:/ споспéшествуй

ми, недостойному, молитвами твоими,/ да достойно восхваляю тебя и воспую Господу моему, яко прославился.

Слава Отцу и Сыну и Святому Духу.

Со молодых ногтей твоих страх Божий имела еси в сердце твоём, блаженная,/ егже до конца содержала еси, укрепляема Божественною благодатию,/ тем и душу твою спасла еси, выну поющи Христа, яко прославился.

И ныне и присно и во веки веков. Аминь.

**Богородичен:** Тобою, Пречистая Владычице, от всех родов предъизбранная Дево,/ весь мир обновися,/ и весь род человеческий от лести диавольския свободися,/ и вопиет ко Христу, яко прославился.

### Песнь 3

**Ирмос:** неплодная душе и безчадная,/ стяжи плод благославный,/ веселящися, возопий/ утвердихся Тобою, Боже,/ несть свят, несть праведен,/ паче Тебе, Господи.

**Прпев:** Святая преподобная мати Анно, моли Бога о нас.

Око душевное чисто и здраво имела еси от юности твоей, блаженная,/ имже всегда зрела еси к Горнему селению, егже и достигла еси,/ и ныне Христу воспеваеши:/ несть свят и несть праведен, паче Тебе, Господи.

**Прпев:** Святая преподобная мати Анно, моли Бога о нас.

Из благочестиваго корене произрсла еси, блаженная,/ и, во вся дни жития твоего с супругом твоим чисто и непорочно пребываючи,/ вопияла еси ко Христу:/ несть свят и несть праведен, паче Тебе, Господи.

Слава Отцу и Сыну и Святому Духу.

Ничтоже пред Богом вѣщше есть доброты душевныя./ Ты же, преподобная мати, соблюла еси ю непреткновенно, вопиючи ко Христу:/ несть свят и несть праведен, паче Тебе, Господи.

И ныне и присно и во веки веков. Аминь.

**Богородичен:** Отроковице Чистая, Мати Господа нашего,/ помози ми, недостойному рабу Твоему,/ воспети угядницу Сына Твоего и Бога моего,/ преподобную мать Анну, и рещи ко Христу:/ несть свят и несть праведен, паче Тебе, Господи.

### Седален, глас 1

Днесъ призывает нас обрѣтение честныхъ мощей твоихъ, преподобная мати Анно,/ светло праздновати память твою,/ днесъ вси людие веселятся, приимше ты заступницу предъ Господем./ Ты же, о блаженная, молися о нас,/ верую и любовью тебя почитающихъ.

Слава Отцу и Сыну и Святому Духу, и ныне и присно и во веки веков. Аминь.

**Богородичен:** Свет, от Света исходяй, во Твою Девичу утробу вниде/ и плотию обложися недомысленно и несказанно,/ рождествомъ же Егo вся тварь обновися и идольская лесь

разоріся./ Тем мо́лим Тя, Пречі́стая:/ мо́лі, да спасе́т ду́ши на́ша.

## **Песнь 4**

**Ирмос:** Покры́ла е́сть Небеса́ добродете́ль Твоя́, Христе́,/ из Киво́та бо проше́д святы́ни, Твоея́ Нетле́нная Ма́тере,/ в хра́ме сла́вы Твоея́ яви́лся еси́,/ я́ко Младене́ц руконо́сим,/ и испо́лнишася вся Твоего́ хвале́ния.

**Прпев:** Свята́я преподо́бная ма́ти Анно, мо́лі Бо́га о на́с.

Преукра́шена была́ еси́, преподо́бная ма́ти, добродете́льми твои́ми,/ я́ко цветы́ благоуха́нными и я́ко ка́мением драгоце́нным./ Тем и угоди́ла еси́ Нетле́нному Царю́ и Влады́це всех,/ Ему́же и воспе́ла еси́:/ Го́споди, испо́лнишася вся Твоего́ хвале́ния.

**Прпев:** Свята́я преподо́бная ма́ти Анно, мо́лі Бо́га о на́с.

О, твёрдое основа́ние ве́ры, о, любы́ к Бо́гу кре́пкая!/ В же́нстем бо естестве́ му́жески победи́ла еси́ невидима́го врага́ супоста́та/ и та́ко угоди́ла еси́ Христу́, вопи́ющи:/ Го́споди, испо́лнишася вся Твоего́ хвале́ния.

Сла́ва Отцу́ и Сы́ну и Свято́му Ду́ху.

Христов храм была́ еси́, преподо́бная ма́ти,/ твоёю чистото́ю и целому́дрием и прóчими добродете́льми,/ те́мже вместі́ла еси́ в себе́ Свята́го Ду́ха,/ к Нему́же и возопі́ла еси́:/ Го́споди, испо́лнишася вся Твоего́ хвале́ния.

И ны́не и прі́сно и во ве́ки веко́в. Ами́нь.

**Богородичен:** Войсти́нну всех тва́рей вы́шши яви́лася еси́, Влады́чице,/ и кто дово́лен по досто́янию изрещі́ вели́чие Твоё?/ Простра́ннее бо небес яви́ся чре́во Твоё, в нёмже носи́ла еси́ все́ми Невместі́маго Бо́га,/ к Нему́же и мы вопи́ем:/ Го́споди, испо́лнишася вся Твоего́ хвале́ния.

## **Песнь 5**

**Ирмос:** Я́ко ви́де Иса́ия обра́зно/ на Престо́ле превознесе́на Бо́га,/ от А́нгел Сла́вы дори́носима,/ о, ока́янный, - вопи́яше, - аз!/ прови́дех бо воплоща́ема Бо́га, Све́та Невече́рня/ и ми́ром влады́чествующа.

**Прпев:** Свята́я преподо́бная ма́ти Анно, мо́лі Бо́га о на́с.

Аще и во благоде́нствии пребыва́ла еси́, блаже́нная ма́ти,/ и вся́ко изоби́лие близ себе́ имела́ еси́,/ ника́коже вдала́ся еси́ на поко́й и весе́лие пи́щное,/ но, зе́льным трудо́м и воздержа́нием те́ло твоё удруча́ющи,/ воспева́ла еси́ Жени́ха твоего́, Христа́,/ Све́та Невече́рня и ми́ром влады́чествующа.

**Прпев:** Свята́я преподо́бная ма́ти Анно, мо́лі Бо́га о на́с.

Любо́вию Христо́вою уязви́вшись, блаже́нная ма́ти,/ вели́кая княги́не иноки́не Анно,/ я́ко добропло́дная лоза́ в виногра́де, процвела́ еси́ во гра́де Ка́шине благо́ими твои́ми дея́нии/ и победи́ла еси́ бесо́вския полки́, воспева́ющи Христа́,/ Све́та Невече́рня и ми́ром влады́чествующа.

Сла́ва Отцу́ и Сы́ну и Свято́му Ду́ху.

Истинным све́том Христо́вым осия́на была́ еси́, ма́ти свята́я,/ вели́кая княги́не иноки́не Анно,/ насыща́ющися ве́лия благода́ти и воспева́ющи Его́,/ Све́та Невече́рня и ми́ром влады́честву́юща.

И ны́не и прісно и во ве́ки веко́в. Ами́нь.

**Богороди́чен:** Ты у́бо, Чи́стая Ма́ти Господня́,/ чистото́ю и де́вством всех превзошла́ еси́,/ те́мже избра́на была́ еси́ в Бо́жие вме́стилище и родила́ еси́ нам Христа́ Бо́га на́шего,/ Све́та Невече́рня и ми́ром влады́честву́юща.

## Песнь 6

**Ирмос:** Бе́здна послéдняя грехо́в обы́де мя,/ и исчеза́ет дух мой;/ но простры́й, Влады́ко, высо́кую Твою́ мы́шцу,/ я́ко Петра́, мя, Управителю́, спаси́.

**Прпиев:** Свята́я преподо́бная ма́ти Анно, моли́ Бо́га о на́с.

Из благочестіваго ко́рене произра́сла еси́,/ преподо́бная ма́ти, вели́кая княги́не иноки́не Анно,/ благоче́стием же и ве́рою, а́ки цвет, процвела́ еси́ во твоём отéчестве, во гра́де Ка́шине,/ и прешла́ еси́ к Го́рнему жи́тельству, вопи́ющи ко Христу́:/ я́ко Петра́, мя, Управителю́, спаси́.

**Прпиев:** Свята́я преподо́бная ма́ти Анно, моли́ Бо́га о на́с.

Воистинну́ досто́йна еси́ похва́лы ве́лия,/ преподо́бная ма́ти, вели́кая княги́не Анно,/ я́ко в же́нстем естестве́ му́жескую кре́пость имела́ еси́,/ и победи́ла еси́ супоста́та диа́вола, и воспева́ла еси́ ко Влады́це Христу́:/ я́ко Петра́, мя, Управителю́, спаси́.

Сла́ва Отцу́ и Сы́ну и Свято́му Ду́ху.

Ей, воистинну́ све́тел и тверд ум имела́ еси́, преподо́бная,/ вся бо кра́сная ми́ра сегó, я́ко уме́ты, вмени́ла еси́, блаже́нная,/ и ничто́же возмо́же поколеба́ти непоро́чную твою́ ду́шу,/ внегда́ воспева́ти ти Христу́:/ я́ко Петра́, мя, Управителю́, спаси́.

И ны́не и прісно и во ве́ки веко́в. Ами́нь.

**Богороди́чен:** Лéстным у́бо зми́йным преступле́нием низпадо́хом,/ но с Сы́ном Твои́м, Иису́сом Хри́стом, Бо́гом на́шим,/ совоста́хом, Ма́ти Господня́,/ Его́же родила́ еси́ нам, Свет, и Живóт, и Воскресе́ние.

## Кондак, глас 4

Я́ко пресве́тлая звезда́,/ яви́лася еси́ в Росси́стей земли́, во гра́де Ка́шине,/ преподо́бная ма́ти Анно,/ во всех благочесті́вых и ве́рных жена́х,/ а́ки крин, процвела́ еси́ чи́стым и непоро́чным твои́м жити́ем,/ во иноки́нях же соверше́нными твои́ми труды́ и по́двиги,/ и возшла́ еси́ к Вы́шнему гра́ду, ра́дующися и веселя́щися,/ я́ко до́бре соверши́вши твоё течéние,/ и ны́не честны́я твоя́ мо́щи,/ а́ки би́серие драго́е, яви́шася,/ на исцеле́ние всем, приходи́ющим с ве́рою./ Тем и вопи́ем ти:/ ра́дуйся, всекра́сная ду́шею,/ и моли́ Христа́ Бо́га/ о спасе́нии душ на́ших.

## Икос

Прииді́те, вси благове́рнии лю́дие,/ воспо́йм и просла́вим преподо́бную вели́кую княги́ню

инокиню Анну и тако к ней возопийм:/ радуйся, ма́ти свята́я, великоименита́я княги́не иноки́не Анно,/ я́ко от юности твоея́ возлюби́ла еси́ Христа́/ и по за́поведем Его́ шествовала еси́;/ радуйся, я́ко зельным твоим воздержанием тѣло твоѣ удручи́ла еси́./ Радуйся, я́ко сподобилася еси́ от Бо́га дара чудотворений;/ радуйся, я́ко озари́ Бог се́рдце твоѣ,/ во е́же восхотѣти облещи́ся во иноческое одея́ние и послѣдовати Христу́./ Радуйся, ни́щим пита́тельнице и си́рым заступнице;/ радуйся, всем российским жена́м похвало́ и утвержде́ние./ Радуйся, всей Росси́йстей странѣ твёрдое удо́брение;/ радуйся, я́ко вмѣсто земна́го ца́рства Небѣсное обрела́ еси́./ Радуйся, я́ко по сме́рти твоей тѣло твоѣ в не́драх земли́ не подвер́жется тлѣнию;/ радуйся, я́ко предстои́ши с ли́ки свята́х и преподо́бных жен Невече́рнему Свету́/ и мо́лишися о спасѣнии душ на́ших.

## Песнь 7

**Ирмос:** Якоже дре́вле/ благочестивы́я три о́троки ороси́л еси́ в пла́мени халде́йстем,/ свѣтлым Божества́ огнём и нас озари́,/ благословѣн еси́, зыва́ющия,/ Бо́же оте́ц на́ших.

**Прпев:** Свята́я преподо́бная ма́ти Анно, моли́ Бо́га о нас.

Истинно ве́лие чу́до яви́ся во гра́де Ка́шине,/ я́ко честны́я твоя́ мо́щи мно́га ле́та земле́ю покровѣны бы́ша,/ ны́не же Бо́жиею благода́тию яви́шася верху́ земли́/ на исцеле́ние всем, приходя́щим с ве́рою и вопи́ющим:/ благословѣн Бог оте́ц на́ших.

**Прпев:** Свята́я преподо́бная ма́ти Анно, моли́ Бо́га о нас.

Ка́ко возмо́жем не диви́тися тебѣ, блаже́нная ма́ти?/ Пребы́ла бо еси́, а́ки свеща́ светя́щи,/ посреде́ российских жен чу́дным твоим жити́ем, ви́ну воспева́ющи:/ благословѣн Бог оте́ц на́ших.

Сла́ва Отцу́ и Сы́ну и Свято́му Ду́ху.

Утвержде́на была́ еси́, ма́ти преподо́бная,/ а́ки адама́нт кре́пкий, добродѣтельми твоими́/ и, я́ко невеста, укра́шена была́ еси́ монисты́ златы́ми -/ де́лы твоими́ благи́ми, воспева́ющи Христу́:/ благословѣн еси́, Го́споди Бо́же оте́ц на́ших.

И ны́не и при́сно и во ве́ки веко́в. Ами́нь.

**Богородичен:** Юницу Тя нескве́рную, Де́ву и Богороди́цу,/ изда́леча проро́цы имены́ различными нареко́ша:/ ин бо Тя го́ру мы́сленну нарече́,/ други́й же - Родите́льницу Бо́жию,/ ов же - руно́, ов же - священную две́рь./ Те́мже и мы вси досто́йно Тя поѣм и славосло́вим во ве́ки.

## Песнь 8

**Ирмос:** Служи́ти Живому́ Бо́гу/ в Вавило́не о́троцы претерпе́вше,/ о мусики́йских орга́нѣх неради́ша/ и, посреде́ пла́мене стоя́ще, боголе́пную пе́снь воспева́ху, глаго́люще:/ благослови́те, вся дела́ Го́сподня, Го́спода.

**Прпев:** Свята́я преподо́бная ма́ти Анно, моли́ Бо́га о нас.

Ка́ко изглаго́лю вели́чие Бо́жие/ на тебѣ, преподо́бная ма́ти Анно, я́вльшееся?/ Я́ко по толицѣх ле́тех обрето́шася мо́щи твоя́ нетлѣнны,/ на удивле́ние всем челове́ком, пою́щим:/ благослови́те, вся дела́ Го́сподня, Го́спода.

**Прпев:** Свята́я преподо́бная ма́ти Анно, моли́ Бо́га о нас.

Ничто́же е́сть дража́йше пред Бо́гом добродéтельныя души́,/ ея́же вéсь мир недосто́ин./ Тёмже и ты, преподо́бная ма́ти Анно,/ па́че всего́ прилежа́ла еси́ о сицевéй безсме́ртней вéщи, пою́щи:/ благослови́те, вся дела́ Господ́ня, Го́спода.

Сла́ва Отцу́ и Сы́ну и Свято́му Ду́ху.

Яко свещу́ свéтлу, угото́вала еси́ кро́ткую ду́шу твою́, преподо́бная ма́ти Анно,/ тёмже по сме́рти твоéй мно́га исцелéния недужным изли́яшася от честных мощéй твоих./ Сего́ ра́ди мы вопи́ем:/ благослови́те, вся дела́ Господ́ня, Го́спода.

И ны́не и прísно и во ве́ки веко́в. Ами́нь.

**Богородичен:** Го́спода моего́ и Бо́га Ро́ждшая, Ма́ти Безневéстная,/ дерзнове́ние иму́щи к Нему́, заступи́ и сохрани́ мя Твои́м ходата́йством, я́ко да воспою́:/ благослови́те, вся дела́ Господ́ня, Го́спода.

## Песнь 9

**Ирмос:** Сла́дкою Пречы́стаго Твоего́ рождества́/ стрело́ю уязвлени, Чы́стая,/ Твоéй достоже́ланней добро́те дивя́щася,/ пéснями а́нгельскими́ досто́йно Тя я́ко Ма́терь Бо́жию велича́ем.

**Прпев:** Свята́я преподо́бная ма́ти Анно, моли́ Бо́га о нас.

Имиже вéсть судьба́ми прославля́ет Господь́ святы́я Сво́я,/ ихже имена́ напи́сана су́ть на Небеси́ в кни́гах живóтных,/ То́йже и ты просла́ви Свои́м милосéрдием, преподо́бная ма́ти Анно./ Тем ты поём и велича́ем.

**Прпев:** Свята́я преподо́бная ма́ти Анно, моли́ Бо́га о нас.

Ны́не с ли́ки А́нгельскими́ на Небесéх предсто́иши Влады́це всех, преподо́бная ма́ти Анно,/ моля́щи о гра́де твоём и о чту́щих véрою святу́ю па́мь твою́,/ недугу́ющим же подаю́щи исцелéние от честных мощéй твоих./ Тем ты поём и велича́ем.

Сла́ва Отцу́ и Сы́ну и Свято́му Ду́ху.

Юна е́ще во́зрастом бывши, преподо́бная ма́ти Анно,/ тéсным и приско́рбным путём шéствовала еси́,/ вся́кия сла́дости, я́ко го́рести, отвраща́ющася,/ ны́не же дости́гла еси́ неизречéнных ра́дости./ Тем ты поём и велича́ем.

И ны́не и прísно и во ве́ки веко́в. Ами́нь.

**Богородичен:** Аарóнов жезл прозябéй, Влады́чице, прéжде непло́ден быв,/ по́слежде цвет и плод испустí;/ та́кожде и Ты, Пресвята́я Дéво, безму́жно родила́ еси́ Христа́ Бо́га нашего́./ Тем Ты поём и велича́ем.

## Светилен

Стра́хом Бо́жиим огражде́на была́ еси́, преподо́бная,/ и, ника́коже убо́явшися дéмонских сил,/ отшла́ еси́ ко Трисия́нному Вели́кому Свéту/ и ны́не пребыва́еши в неизречéнной свéтлости со все́ми святы́ми./ Тем ты мо́лим:/ моли́ся о нас, творя́щих святу́ю па́мь твою́.

Сла́ва Отцу́ и Сы́ну и Свято́му Ду́ху, и ны́не и прísно и во ве́ки веко́в. Ами́нь.

**Богородичен:** Свѣта Превѣчнаго родила еси нам, Христа Бѣга нашего, Пречистая Дѣво,/ избавльшаго весь мир от лѣсти диавола./ Тѣмже молим Тя:/ не преста́й молящи, да пода́ст нам мѣлость Свою в Дѣнь Сѣднѣй.